

卷四


平宸

濠三一篇

經濟集

B
128
W64S45
1787
V.7

七



陽明先生集要經濟編目錄

卷四

平宸濠

飛報寧王謀反疏

咨兩廣總制都御史楊共勤國難

行南安等十二府及奉新等縣募兵策應

預行南京各衙門勤王咨

寬恤禁約

調取吉水縣八九等都民兵牌

策應豐城牌

陽明先生集
卷四
預備水戰牌

牌行吉安府敦請鄉士夫共守城池

牌行各哨統兵官進攻屯守

告示在城官民

示諭江西布按三司從逆官員

告示七門從逆軍民

行知縣劉守緒等襲勦墳厰牌

督責知府伍文定等同心勦賊牌

牌行撫州知府陳槐等收復南康九江

擒獲宸濠捷音疏

征濠反間遺事

犒賞福建官軍

請止親征疏

行江西布按二司看守寧府庫藏

委知府伍文定邢珣防守省城牌

行江西按察司編審九姓漁戶牌

行江西布按二司清查軍前取用錢糧

獻俘揭帖

咨兵部查驗文移

行江西布按二司釐革撫綏條件

案行浙江按察司交割逆犯暫畱養病

牌行沿途各府州縣衛所驛遞巡司衙門懃諭

軍民

開報征藩功次賊仗咨

附

與當道書

陽明先生集要經濟編卷四

施四明先生評輯 邑後學

黃璋稚圭

謹校

朱培行仲皞

飛報寧王謀反疏

正德十四年六月初五日、節該欽奉勅福州三衛軍人進貴等、脇衆謀反、特命爾暫去彼處地方、會同查議處置、叅奏定奪、欽此、欽遵、臣於本月初九日、自贛州啟行、至本月十五日、行至豐城縣、地名黃土腦、據該縣知縣等官顧泌等、稟稱本月十四日、寧府稱亂、將孫都御史、許副使、并都司等官殺死、巡按及三司

此是天意
然張疑設
計整兵安
行絕無張
惶憂懼之
態非見先
生應變之
畧有素定

府縣大小官員不從者俱被執縛不知存亡各衙門
印信盡數收去庫藏搬搶一空見監重囚俱行釋放
舟楫蔽江而下聲言直取南京一面分兵北上各官
皆來沮臣不宜輕進其時臣尙未信然逃亂之民果
已四散奔潰人情洶洶臣亦自顧單旅危途勢難復
進方爾回程隨有兵卒千餘已夾江竝進前來追臣
偶遇北風大作臣亦張疑設計整舟安行兵不敢逼
幸而獲免本月十八日回至吉安府據知府伍文定
等稟稱地方無主乞畱暫回區畫遠近軍民亦皆遮
擁呼號隨據臨江府并新淦豐城奉新等縣各差人

能於中者不

飛報寧府遣兵四出攻掠拘收印信及拿掌印官員
調取兵快水兌糧船盡被驅脇而去等因臣奉前旨
欲遂徑往福建但天下之事莫急於君父之難若彼
順流東下萬一南都失備爲彼所襲彼將乘勝北趨
旬月之間必且動搖京輔如此則勝負之算未有所
歸此誠天下安危之大機慮念及此痛心寒骨義不
忍舍之而去故遂入城撫慰軍民督同知府等官伍
文定等調集兵糧號召義勇又約會致仕鄉官右副
都御史王懋中養病評事羅僑等與之定謀設策收
合渙散之心作起忠義之氣相機乘間務爲躡後之

四句已括
平濠大畧

圖○共○成○犄○角○之○勢○，牽○其○舉○動○而○使○進○，不○得○前○，搗○其○巢○
穴○，而○使○退○，無○所○據○。日○望○天○兵○之○速○至○，庶○解○東○南○之○倒○
懸○，伏○望○皇○上○省○愆○咎○已○，命○將○出○師○，因○難○興○邦○，未○必○非○
此○臣○以○弱○劣○多○病○，屢○疏○乞○休○，況○此○地○方○之○責○，本○亦○非○
臣○之○任○。今○茲○扶○疾○赴○閩○，實○亦○意○圖○便○道○歸○省○，臨○發○之○
前○，已○具○哀○懇○，齋○奏○之○人○去○，纔○數○日○，適○當○君○父○之○急○，不○
忍○失○此○事○機○，姑○復○暫○留○，期○紓○國○難○，候○區○畫○稍○定○，各○官○
畧○可○展○布○，朝○廷○命○師○一○臨○，亦○遂○遵○照○前○旨○，入○閩○了○事○，
就○彼○歸○省○父○疾○，進○不○避○嫌○，退○不○避○罪○，惟○民○是○保○，而○利○
於○主○臣○之○心○也○，直○行○其○報○國○之○誠○，而○忘○其○緩○命○之○罪○。

用人處便
見方畧

求伸其哀痛之情、而甘冒棄職之誅、臣之罪也、竊照
都御史王懋中、評事羅僑、忠義自許、才識練達、知府
伍文定、果捷能斷、忠勇有謀、累立戰功、皆抑而不賞、
久淹外郡、實屈而未伸、今江西闔省、見無一官、若待
他求、緩無所及、乞遂將各官、授以緊要職任、庶可責
之拯溺救焚、其餘若裁革兵備、副使羅循、養病副使
羅欽德、郎中曾直、御史周魯、同知郭祥鵬、省親進士
郭持平、驛丞李中、王思等、雖皆本土之人、咸秉忠貞
之節、況亦見在同事、當多難之日、事宜從權、庶克有
濟、再照寧府逆謀既著、彼若北趨不遂、必將還取兩

報疏中任
人措餉已
具見條理

浙南擾湖湘、窺畱都以斷南北、收閩廣以益軍資、若不卽爲控制、急遣重兵、必將噬臍無及。及照撫州知府陳槐、臨江府知府戴德儒、贛州府知府邢珣、袁州府知府徐璉、寧都縣知縣王天與、豐城縣知縣顧似、新淦縣知縣李美、奉新縣知縣劉守緒、泰和縣知縣李楫、南安府同知朱憲、贛州府同知夏克義、龍泉縣知縣陳允諧、及闔省各官今見在者、乞勅吏部就於其中、推補本省方面知府、兵備等官。庶可速令供職。其有城守之責者、亦各量陞職銜、重其權勢、使可展布。又照南贛軍餉、惟資鹽商諸稅、近因戶部奏革、顧

募之兵。無所仰給。悉已散遣。今未兩月。卽遇此變。復欲召募。將倚何資。輒復遵依勅旨便宜事理。仍舊舉行。然亦緩不及濟。必須先於兩廣積儲軍餉數內。量借一十餘萬。庶幾軍衆可集。地方有賴。國難可平。緣係飛報地方謀反重情事理。爲此具本。專差舍人來儀親齎。謹題請旨。

當事者置先生於上游。加以專勅。不限以地。原有深意。故遇難不辭。非先生無此見義必爲之勇。先事預圖。非晉溪無此知人授任之畧。故能平南贛擒逆濠。一舉而兩利焉。今寓內干戈滿地。奚啻逆

陽明先生集
卷四
濠未發之隱謀任事者既無先生經濟之手而當
事者實無爲地擇人之心概以規避之法繩庸愚
卽斬盡頭顱亦何濟天下事

再報謀反疏

十四年六月
二十一日

節該欽奉勅福州三衛云云緣係飛報地方謀反重
情事理爲此具本先於本月十九日專差舍人來儀
奏報外但叛黨方盛恐中途爲所攔截合再具本專
差舍人任光親齎謹題請旨

凡遇有事入告當慮及此

咨兩廣總制都御史楊其勤國難

北風大作
亦是天意

節該欽奉勅福州三衛軍人進貴等、脇衆謀反、特命
爾暫去彼處地方、會同查議處置、叅奏定奪、欽此、欽
遵、於六月初九日、自贛啟行、於本月十五日、行至豐
城縣地名黃土腦、據知縣顧似等、稟稱本月十四日、
寧府將巡撫孫都御史許副使等官殺死、巡按及三
司府縣大小官員不從者、俱被執縛、各衙門印信盡
數收去、庫藏搬搶一空、聲言直取南京、一面分兵北
上、各官競阻本職、不宜輕進、本職自顧單旅危途、勢
難復進、方爾回程、隨有兵卒千餘、已夾江竝進來追、
偶遇北風大作、本職亦張疑、設計整舟安行、兵不敢

陽明先生集
卷四
至張疑設
計便見先
生方畧

逼幸而獲免。本月十八日。回至吉安府。據知府伍文
定等稟稱。地方無主。乞畱暫爲區畫。遠近居民亦皆
遮擁呼號。隨又據臨江府并新淦豐城奉新等縣各
差人飛報。寧府遣兵四出攻掠。拘收印信等因。本職
奉有前旨。欲遂委嶺南道兵備僉事王大用監統。給
與各兵行糧。不分雨夜兼程前來。共勤國難。諒貴院
素秉忠孝之節。久負剛大之氣。聞此必將奮袂而起。
秉鉞長驅。當在郭汾陽之先。肯居祖士遠之後哉。紛
擾之中。莫罄懇切。惟高明速圖之。

行南安等十二府及奉新等縣募兵策應

一縣募精
兵如許亦
不易得要
在有司奉
行何如耳

切照叛逆天下之大惡、討賊天下之大義、本院仗順
伐逆、鼓率忠義豪傑四起、發謀協力、叛賊滅亡之期、
計日可待、除行吉安等府縣起調兵快防守地方外、
照得本省見今巡撫都布按等衙門俱各缺官、事無
統束、擬合通行各府、卽行所屬縣分并衛所衙門各
起調官軍鄉兵固守城池、保障地方、仍一面分選兵
快、散布關隘、嚴加把截、一面揀募驍勇精兵、大縣約
四五千名、小縣約二三千名以上、各備鋒利器械、供
給糧草、擇委能幹勇力官員管領操練、各項費用聽
在官錢糧動支、隨申本院查考、濱江去處多備船隻、
慮得、到、

聽候本院差官齎捧旗牌、至日卽刻依期啟行進攻、仍選慣便人役、多方探聽消息、不時飛報、以憑區畫、此係守土官員切責、而臣子効忠致身、正在今日、各宜奮發義氣、鼓動軍民、共成滅賊之功、以輸報國之念、毋得遲違觀望、失誤軍機、自取罪戾、

預行南京各衙門勤王咨

爲照前事係天下非常之變、宗社安危之機、雖今備行江西吉安等府、及湖廣福建廣東等處、調集軍兵、合勢征勦外、但彼聲言欲遂順流東下、竊據南都、看得長江天險、南北之限、畱都根本咽喉所關、雖以朝

廷威德、人心効順、逆謀斷無有成、但其譎奸陰圖、已
非一日、兼聞潛伏奸細於京城、期爲內應、萬一預備
無素、爲彼所掩、震驚遠邇、噬臍何及、爲此合咨貴部
煩爲通行在京及大小衙門會謀集議、作急繕完城
守、簡練舟師、設伏沿江、以防不虞之襲、傳檄傍郡、以
張必討之威、先發操江之兵、聲義而西、約會湖湘、互
爲犄角、本職亦砥鈍策駑、牽躡其後、以義取暴、以直
加曲、不過兩月之間、斷然一鼓可縛、惟高明速圖之
卽以尋常才識處之、此咨在所必有第、只令固守
南京、便是失策、如先生之佈置、斷其兩月成擒、方

是不可及

寬恤禁約

照得江西省城近遭變亂、各府州縣兵戈騷動、供億勞費、兼值天時亢旱、秋成無望、人民窘迫、言之痛心、中間恐有無賴之徒、乘機竊發、驚擾地方、理合寬恤禁約、但巡撫衙門見今缺官、本院駐軍境內、不容坐視、合就權宜處置、通行爲此、除一面奏聞外、仰抄案回府、照依案驗內事理、并行所屬各縣官員、務須軫念地方、痛恤民隱、凡一應不急詞訟工役、俱各停止。其軍前合用兵夫糧草、各官俱要持廉秉公、親自編

派。毋得因而科擾。及聽信下人。受財作弊。仍嚴加曉諭軍民人等。務要各守本分。安居田里。不許扇惑搬移。妄生事端。大戶毋逼債負。小民毋激仇嫌。鄉落居民。各自會推家道殷實。行止端莊一人。充爲約長。二人副之。將各人戶編定排甲。自相巡警保守。各勉忠義。共勤國難。敢有抗違生事。驚擾地方者。就便拿解赴官。治以軍法。約長若有乘機侵害衆戶。及受財不舉。許被害之人。告發重治。仍仰各縣將前項寬恤禁約事宜。翻刻告示。發仰鄉村張掛曉諭。俟巡撫官員到日。再行議處。俱毋違錯。

用兵之際奸民易於煽亂此示必不可少

調取吉水縣八九等都民兵牌

訪得吉水縣八九等都民人王益題曾思溫易宏爵

王昭隆等各戶下人丁素習武勇人多尙義前任知

縣周廣曾經起調征進皆係驍勇慣戰之人今茲逆

黨倡亂民遭荼毒應合調取以赴國難爲此訪差致

仕縣丞龍光齋牌前去吉水縣着落當該官吏卽將

各戶義兵照數調集各備鋒利器械編成行伍僉選

百長總小甲管領就仰該縣查支官錢給與口糧暫

且就屯本縣操演武藝聽候本院指日東下隨軍進

勦、照、得、江、西、一、省、人、民、久、被、寧、府、毒、害、侵、肌、削、骨、破、
家、蕩、產、冤、困、已、極、控、訴、無、門、今、其、惡、貫、滿、盈、天、假、義、
兵、爲、民、除、暴、尙、聞、愚、昧、之、徒、阻、避、寧、府、威、勢、不、敢、舉、
動、殊、不、知、寧、府、未、叛、之、前、尙、爲、親、王、人、不、敢、犯、今、逆、
謀、旣、著、卽、係、反、賊、人、人、得、而、誅、之、復、何、所、憚、爾、等、義、
民、正、宜、感、激、忠、義、振、揚、威、武、爲、百、姓、報、讎、泄、憤、其、立、
不、世、之、勳、以、收、勤、王、之、績、毋、得、稽、遲、觀、望、自、取、軍、法、
重、究、差、去、官、員、不、許、假、此、擾、害、妄、生、事、端、體、訪、得、出、
罪、不、輕、貸、

此等武勇之人亦必要平日訓練始得如取辦於

臨時適滋擾害耳

策應豐城牌

據豐城縣知縣顧倖稟稱本縣起調鄉兵固守城池、惟恐兵力不敷、必須請兵策應、庶保無虞等因、看係地方重務、已經調發龍泉安福永新等縣并吉安千戶所機快軍兵陸續前去策應、照得發去官兵必須選委謀勇膽畧官員統領、庶幾調度得宜、爲此仰通判楊昉卽將後開軍兵名數督同千戶蕭英監統協同知縣顧倖等計議攻守方畧、相度險夷要害、遠斥堠以防奸、勤訓練以齊衆、探知賊人入境卽便設奇。

布伏。以逸待勞。擊其不意。務在先發制人。毋令乘間
抵隙。軍兵人等。務要嚴爲約束。毋令侵擾。敢有違犯
退縮。許以軍法從事。各官尤要同心并力。協和行事。
共効忠貞之節。以紓國家之難。如或執拗參錯。觀望
逗遛。違犯節制。致有疎虞。軍令具存。決難輕貸。
以豐城要地。故特與策應兵法。所謂交地。吾將謹
其守者。此類是也。

預備水戰牌

案照已經行仰起調軍馬前來策應。日久尙未見到。
近據探報。逆黨南下。將攻南都。計此時南都必已有

料敵設奇
必出於此
黃石機可
以成擒也

備各逆黨進無所獲必退保九江如此則水戰之具
爲急不可不備爲此牌仰福建布政司卽行選募海
滄打手一萬名動支官庫不拘何項銀兩從厚給與
衣裝行糧各備鋒利器械就仰左布政使席書兵備
僉事周期雍統領星夜前赴軍門相機前進并力擒
勦仍行巡撫等衙門同心協力後先監督應援此係
叛逆謀危宗社天下荼毒所關呼吸存亡旦暮成敗
間不容髮非比尋常賊情不得逗遛觀望有虧臣節
嗚呼主憂臣辱主辱臣死凡有血氣孰無是心況各
官忠義自任剛大素聞必將奮臂疾驅有不容已兵

軍法從事
原是先生
勅內事卽
行轉許各
官纔成得
功是先生
大擔當處

快及領兵人等、敢有違犯節制、有悞軍機者、仰卽遵
照本院欽奉勅諭事理、許以軍法從事、無得姑息。
牌行吉安府敦請鄉士夫共守城池
照得寧府反叛、本院調兵進勦、卽日啟行、各府縣掌
印正官、旣該統兵前進、所據各該府縣城池、雖已行
委各佐貳官防守、但艱危之際、事變不測、必須歷練
老成之人、相與維持鎮定、庶幾人心不致驚疑、政務
有所倚賴、爲此案行吉安府官吏通行各縣署印官
員、徑自以禮敦請老成鄉宦衆所推服者一二員、在
城以備緊急協同行事、該府城池關係尤重、查得致

地方鄉紳
賢否平日
不可不周
知否則卽
欲行此不
可得

居然儒將

仕按察使劉遜素有才望，忠義奮激，就仰該府請至公館，仍仰署印官待以賓師之禮。託以咨決之事，一應軍機事宜，咨稟計議而行，以安人心，以濟大事。仍行本官務以國家大難爲心，盡心竭力，共圖殄賊，毋以休致自嫌，諒朝廷報功之典，當亦自不相負。如誤大事，咎亦有歸，通無違錯。

一以繫人心，一以酌事體，舉如許大事，有獨任而能成者乎？

牌行各哨統兵官進攻屯守

仰一哨統兵官吉安府知府伍文定卽統部下官軍

兵快四千四百二十一員名進攻廣潤門。就畱兵防守本門。直入布政司屯兵。分兵把守王府南門。仰二哨統兵官贛州府知府邢珣卽統部下官軍兵快三千一百三十餘員名進攻順化門。就畱兵防守本門。直入鎮守府屯兵。仰三哨統兵官袁州府知府徐璉卽統部下官軍兵快三千五百三十員名進攻惠民門。就畱兵防守本門。直入按察司察院屯兵。仰四哨統兵官臨江府知府戴德儒卽統部下官軍兵快新喻二縣三千六百七十五員名進攻永和門。

就畱兵防守本門。直入都察院提學分司屯兵。

仰五哨統兵官瑞州府通判胡堯元童琦卽統部下官軍兵快四千員名進攻章江門。就畱兵防守本門。直入南昌前衛屯兵。

仰六哨統兵官泰和縣知縣李楫卽統部下官軍兵快一千四百九十二員名夾攻廣潤門。直入王府西門屯兵守把。

仰七哨統兵官新淦縣知縣李美卽統部下官軍兵快二千員名進攻德勝門。就畱兵防守本門。直入王府東門屯兵守把。

兵必有正
有輔勢方
不孤必棲
止有定方
於民不擾

仰中軍營統兵官贛州衛都指揮余恩、卽統部下官
軍兵快四千六百七十員名、進攻進賢門、直入都司
屯兵。

仰八哨統兵官寧都知縣王天與、卽統部下官軍兵
快一千餘員名、夾攻進賢門、畱兵防守本門、直入鐘
樓下屯兵。

仰九哨統兵官吉安府通判談儲、卽統部下官軍兵
快一千五百七十六員名、夾攻德勝門、直入南昌左
衛屯兵。

仰十哨統兵官萬安縣知縣王冕、卽統部下官軍兵

陽明先生集卷四
快一千二百五十七員名，夾攻進賢門，就守把本門。
直入陽春書院屯兵。

仰十一哨統兵官吉安府推官王暉，卽統部下官軍
兵快一千餘員名，夾攻順化門，直入南新二縣儒學
屯兵。

仰十二哨統兵官撫州通判鄒琥，知縣傅南喬，卽統
部下官兵三千餘員名，夾攻德勝門，就畱兵防守本
門。隨於城外天寧寺屯兵。

承委官員，務要竭忠奮勇，擒勦叛逆，以靖國難。如或
退縮觀望，違犯節制，定以軍法論處。軍兵人等，敢有

臨陣退縮者、就仰本官遵照本院欽奉勅諭事理、就於軍前斬首示衆、牌候事完日繳、

其部署嚴肅如亞夫之細柳、堅壁從容、整暇如孔明之羽扇、綸巾、正兵法所謂以治爲勝、投之所往、天下莫當者、那得不勝、

告示在城官民

七月十八日

照得寧王造謀作亂、神人共怒、法所必誅、在城宗支郡王儀賓、皆被逼脇、如鍾寧王無罪削爵、建安王父子俱死、軍民人等、或覆宗滅族、或蕩家傾產、或勒取子女、皆恨入骨髓、敢怒而不敢言、今日之事、豈其本

心。本院仰仗朝廷威靈。調集兩廣并本省狼達漢土官兵二十餘萬。卽日臨城。亦無非因民之怨。惟首惡是問。告示至日。宗支郡王儀賓各閉門自保。商賈買賣如故。軍民棄甲投戈。各歸生理。無得驚疑。該府內臣校尉把守人員。開門出首。或反兵助順。擒斬首惡一體奏聞陞賞。其有懷奸稔惡。從逆不悛者。必殺不赦。凡我良善軍民。卽便去惡從善。毋陷族滅。故示。

示諭江西布按三司從逆官員

照得寧王悖逆天道。造謀作亂。殺戮大臣。都布按三司官員各悚於暴虐。保其妻子。以致臨難之際。不能

以安反側
以散黨與
斷不可已

自釋或俛首幽囚、或甘心降伏、貪生畏死、反面事仇、
春秋之義、雖嚴於無將之誅、而志圖興復者、尚不忍
於峻絕、探得各官見今在城閉門自訟者有之、臨城
巡聞者有之、出入府庫運籌畫策者有之、此皆大義
未分、孤立無助、揆之法理、固不容誅、推之人情、實爲
可憫、卽今本院統集狼達漢土官軍二十餘萬、後先
臨城、各官果能去逆歸順、尚可轉禍爲福、故今特遣
牌諭兵臨之日、仰各開門出首、仍一面將本院發去
告示給散張掛、撫諭良善百姓、宗支儀賓人等各閉
門自保、毋輕出街市、橫遭殺戮、該府把守內臣校尉

人等亦各諭以大義。俾知背逆向順。尚可免死。投甲釋戈。蓬頭面縛。候本院臨審定奪。敢有從惡不悛。執迷不悟。拒敵官兵者。必殺無赦。仍具改正緣繇。親齎投首。以憑施行。毋得遲違。自取族滅。牌具依准繳來。

告示七門從逆軍民

七月二十二日

督府示諭省城七門內外軍民雜役人等。除身犯黨逆。不赦。另議外。其原被寧府迫脇。偽授指揮千百戶校尉護衛。及南昌前衛。一應從亂雜色人役。家屬在省城者。仰各安居樂業。毋得逃竄。有能寄聲父兄子弟。改過遷善。擒獲首惡。詣軍門報捷者。一體論功給

賞逃回報首者免其本罪。仍仰各地方將前項人役一名名赴各該管門官處開報，令各親屬一名，每五日一次打卯。其有收藏軍器許盡數送官，各宜悔禍，毋取流亡。

行知縣劉守緒等襲勦墳厰牌

七月十二日

爲照本院親督諸軍，刻期於本月二十日進攻南昌府省城，以破逆黨巢穴。探得逆黨先曾伏兵三千於老墳厰新墳厰諸處，以爲省城應援。若不先行密爲撲勦，誠恐攻城之日，或從間道掩襲我師，未免亦爲牽制。爲此牌仰奉新縣知縣劉守緒、靖安縣知縣萬

士賢各統精兵三千密於西山、地界、約會、刻期、分哨、設伏、運奇、竝力、夾勦、各官務要詳察險易、相度機宜、不得爾先我後、力散勢分、致有疎失、仍一面差人爪探聲息、飛報軍門、擒斬功次、審驗解院、轉發紀錄、照例具奏陞賞、兵快人等、敢有臨陣退縮者、許照本院欽奉勅諭事理、就以軍法從事、各官務竭忠貞、以勤國難、苟或觀望逗遛、違誤事機、軍令具存、罪亦難逭、後克復省城、此舉極爲得力、墳厰之兵、旣敗則省城自搖動、兵法所謂三軍可奪氣者、此類是也。

督責知府伍文定等同心勦賊牌

切照天下之事成於同而敗於異本院選調吉安贛
州臨江袁州等府衛所軍民兵快委各該文武等官
知府伍文定邢珣等統領分立哨道授以方畧令其
并力勦賊互相策應今訪得各官各持己見自爲異
同屢有事機可乘坐視輒至違錯本當拏究治以軍
法但以用人之際姑且容恕及照逆賊歸援聲息已
逼仍恐各官復蹈覆轍臨期僨事擬申飭通行爲此
牌仰本官即便督率原領軍兵各於見在駐劄處所
務要遵依方畧與各哨領兵官同心而行誓竭并力
進死之志毋爲觀望苟生之謀敢有仍前人懷一心

互有異同，以致誤事，定行罪造所繇，斷依軍法斬首，的不食言。

苟不同心協力，卽主將之方畧，雖善未有不敗者。鄱陽之捷，此牌極爲得力。

牌行撫州知府陳槐等收復南康九江。

七月二十四日

照得寧王謀反，興兵向闕，南康九江見被攻破，分畱逆黨據守二府城池，意圖西扼湖兵之應援，南遏我師之追躡。仰賴宗社威靈，克復省城，除遣知府伍文定等分布哨道，邀擊寧賊，務在得獲外，所據逆黨占據府縣，應合分兵勦復。爲此牌仰知府陳槐等各選

精兵身自統領，星夜前去南康九江地方，相機行事。務要攻復城池，平靖反側，仍將地方人民加意賑恤，激以忠義，撫以寬仁，權舉有司之職，以理庶事。查處倉庫之積，以足軍資。一面分兵邀誘寧賊，毋令東下，并差人爪探，飛報軍門。各官務要同心併力，協和行事，毋得人懷一心，彼此參錯，致悞軍機。兵快人等有違犯節制者，仰照本院欽奉勅諭事理，以軍法從事。一應事機呈稟往復，慮有稽緩，俱聽一面從宜區畫。一面呈報軍門，仍備查各官棄城逃走，致賊焚掠屠戮之故，具繇申報，以憑叅拏究治。

南康九江於湖廣爲喉咽於南京長江爲上游此
兩府旣取則收復之大勢定矣

擒獲宸濠捷音疏

十四年七月三十日

照得先因寧王圖危宗社興兵作亂已經具奏請兵
征勦外隨看得寧王虐焰張熾臣以百數疲弱之卒
未敢輕舉驟進乃退保吉安姑爲牽制之圖時遠近
軍民劫於寧王之積威道路以目莫敢出聲臣一面
督率吉安府知府伍文定等調集軍民兵快召募四
方報効義勇之士奏畱監察御史謝源伍希儒分職
任事一面約會該府鄉官都御史王懋中編修鄒守

緩則無反

益郎中曾直、評事羅僑、監察御史張鼇山、僉事劉藍、進士郭持平、叅謀驛丞王思、李忠、按察使劉遜、叅政黃繡、知府劉昭等相與激發忠義、移檄遠近、布朝廷之深仁、暴寧王之罪惡、於是豪傑響應、人始思奮。時寧王聲言先取南京、臣慮南京尚未有備、恐爲所襲。乃先張疑兵於豐城、示以欲攻之勢。故寧王先遣兵出攻南康九江、而自畱居省城、以禦臣。至七月初二日、探知臣等兵尙未集、乃畱兵萬餘、使守江西省城、而自引兵向闕。臣晝夜促兵期、以本月十五日會臨江之樟樹、而身督知府伍文定等兵徑下、於是知府

破省城之
此得力全在

戴德儒徐璉邢珣通判胡堯元章琦談儲推官王暉
徐文英知縣李美李楫王天與王冕各以其兵來赴
十日遂至豐城分哨道使知府伍文定等進攻廣潤
等七門是日得謀報寧王伏兵千餘於新舊墳厰以
援省城臣乃遣奉新知縣劉守緒等從間道夜襲破
之以揺城中十九日發市汊大誓各軍申布朝廷之
威再暴寧王之惡莫不切齒痛心踴躍激憤薄暮齊
發二十日黎明各至信地先是城中爲備甚嚴滾水
灰瓶火炮機械無不畢具臣所遣兵已破新舊墳厰
敗潰之卒皆奔告城中城中皆已驚懼至是復聞我

兵法所謂
敵人開闔
必亟入之
蓋乘其間
隙而入則
敵人自靡

師四面驟集。益震駭奪氣。我師乘其動搖。呼譟竝進。梯絙而登。城中之兵皆倒戈退奔。城遂破。擒其居首宜春王拱櫟及偽太監萬銳等千有餘人。寧王宮中眷屬聞變。縱火自焚。延各居民房屋。臣當令各官分道救火。散釋脇從。封府庫。謹關防。以撫軍民。除將擒斬功次發御史謝源伍希儒權令審驗紀錄。及一面分兵四路追躡。寧王向往相機擒勦。於本月二十二日已經具題外。當於本日據諜報。及據安慶逃回被擄船戶十餘人報稱。寧王於十六日攻圍安慶未下。自督兵夫運土填塹。期在必尅。是日有守城萬門官。

逆濠氣已先奪

即依李士

實之言逆

濠豈能得

志蓋南京

未必能遠

破逆濠方

離安慶恐

我師已隨

下長江矣

賊臣實非

先生對手

不救安慶

而攻取南

昌此狐兔

失其故穴

濠賊之就

擒大勢定

差人來報、贛州王都堂已引兵至豐城。城中軍民震
駭。乞作急分兵歸援。寧王聞之大恐。即欲回舟。因太
師李士實等阻勸。以為必須徑往南京。既登大寶。則
江西自服。寧王不應。次日遂解安慶之圍。移兵泊阮
子江。會議先遣兵二萬歸援江西。寧王亦自後督兵
隨來等因。先是臣等駐兵豐城。衆議安慶被圍。宜引
兵直趨安慶。臣以九江南康皆已為賊所據。而南昌
城中數萬之衆。精悍亦且萬餘。食貨充積。我兵若抵
安慶。賊必回軍死鬪。安慶之兵。僅僅自守。必不能援
我於湖中。南昌之兵。絕我糧道。而九江南康之賊。合

勢撓躡。四方之援。又不可望。事難圖矣。今我師驟集。先聲所加。城中必已震懾。因而并力急攻。其勢必下。已破南昌賊。先破膽。奪氣失其根本。勢必歸救。如此。則安慶之圍自解。而寧王亦可以坐擒矣。至是得報。果如臣等所料。當臣督同領兵知府會集監軍。及倡義各鄉官等官。議所以禦之之策。衆多以寧王兵勢衆盛。氣焰所及。有如燎毛。今四方之援。尙未有一人至者。彼憑其憤怒。悉衆并力。而萃於我。勢必不支。且宜歛兵入城。堅壁自守。以待四鄰之援。然後徐圖進止。臣以寧王兵力雖強。軍鋒雖銳。然其所過。徒恃焚

兵法云士
輕其將而
有歸志可
邀而取逆
濠犯之故
先生迎敵
急擊

掠屠戮之慘。以威劫遠近。未嘗逢大敵。與之奇正相
角。所以鼓動扇惑其下者。全以進取封爵之利爲說。
今出未旬月。而輒退歸。士心旣已攜沮。我若先出銳
卒。乘其情歸。要迎掩擊。一挫其鋒。衆將不戰自潰。所
謂先人有奪人之氣。攻瑕則堅者。瑕也是日。撫州府
知府陳槐。兵亦至。於是遣知府伍文定。邢珣。徐璉。戴
德儒。合領精兵五百。分道竝進。擊其不意。又遣都指
揮余恩。以兵四百。往來湖上。以誘致賊兵。知府陳槐。
通判胡堯元。童琦。談儲。推官王暉。徐文英。知縣李美。
李楫。王冕。王軾。劉守緒。劉源清等。使各領兵百餘。四

此着亦不可少

以寡勝衆
全用紀律

面張疑設伏。候伍文定等兵交。然後四起合擊。分布既定。臣乃大賑城中軍民。慮宗室郡王將軍。或爲內應。生變。親慰諭之。以安其心。又出給告示。凡脇從皆不問。雖嘗受賊官爵。能逃歸者。皆免死。斬賊徒歸降者。給賞。使內外居民及鄉道人等。四路傳播。以解散其黨。二十三日。復得諜報。寧王先鋒已至樵舍。風帆蔽江。前後數十里。不能計其數。臣乃分督各兵。乘夜趨進。使伍文定以正兵當其前。余恩繼其後。邢珣引兵繞出賊背。徐璉戴德儒張兩翼。以分其勢。二十四日早。賊兵鼓譟。乘風而前。逼黃家渡。其氣驕甚。伍文

兵法云攻
強必養之
使強益之
使張故陽
北以驕其
志

九江南康
爲出兵要
道人所共
知而乘間
攻取出其

陽明先生集 卷四
定余恩之兵。佯北。以致之。賊爭進趨利。前後不相及。
邢珣之兵。從後橫擊。直貫其中。賊敗走。文定恩督兵。
乘之。璉德儒合勢夾攻。四面伏兵亦呼譟竝起。賊不
知所爲。遂大潰。追奔十餘里。擒斬二千餘級。落水死
者以萬數。賊氣大沮。引兵退保八字腦。賊衆稍稍遜
散。寧王震懼。乃身自激勵將士。賞其當先者以千金。
被傷者八百兩。使人盡發九江南康守城之兵以益
師。是日建昌知府曾璉引兵亦至。臣以九江不破。則
湖兵終不敢越九江以援我。南康不復。則我兵亦不
能踰南康以躡賊。乃遣知府陳槐領兵四百合饒州

不意爲妙

此時省城

已爲我所

破九江南

康之賊膽

已寒故破

之易軍令

必如此方

能成功

兵法所謂

必死則生

者此之謂

也

將有五危

知府林城之兵乘間以攻九江。知府曾璵領兵四百，合廣信知府周朝佐之兵乘間以取南康。二十五日，賊復并力盛氣挑戰，時風勢不便，我兵少却，死者數十人。臣急令人斬取先却者頭，知府伍文定等立於銃砲之間，火燎其鬚，不敢退。奮督各兵殊死竝進，砲及寧王舟，寧王退走，遂大敗，擒斬二千餘級，溺死者不計其數。賊復退保樵舍，連舟爲方陣，盡出其金銀以賞士臣，乃夜督伍文定等爲火攻之具。邢珣擊其左，徐璉、戴德儒出其右，余恩等各官分兵四伏，期火發而合。二十六日，寧王方朝羣臣拘集所執三司各

忿速可侮
宸濠犯其
一焉得不
擒

凡行兵最
要先人一
着蓋逆濠
之不與先
生敵敢徑
北向者謂
江西兵力
不能遽集
故先襲據
南康九江
斷我兵追
躡之路隨
督兵攻安
慶冀阻北

陽日夕生系漢集
官責其間以不致死力坐觀成敗者將引出斬之爭
論未決而我兵已奮擊四面而集火及寧王副舟衆
遂奔散寧王與妃嬪泣別妃嬪宮人皆赴水死我兵
遂執寧王并其世子郡王將軍儀賓及偽太師國師
元帥叅贊尙書都督都指揮千百戶等官李士實劉
養正劉吉屠欽王綸熊瓊盧珩羅璜丁瞞王春吳十
三凌十一秦榮葛江劉勳何鏗王信吳國士火信等
數百餘人被執脇從官太監王宏御史王金主事金
山按察使楊璋僉事王疇潘鵬叅政程果布政梁辰
都指揮郝文馬驥白昂等擒斬賊黨三千餘級落水

援之師南
北兩無顧
慮後併力
以攻南京
自謂大勢
可定不意
先生用兵
神速安慶
未破報我
兵已大集
省城有恢
復之勢省
城一復九
江南康勢
如破竹料
我師必直
趨安慶則
進退兩無
所據安得
不亟歸援

死者約三萬餘、棄其衣甲器仗財物、與浮尸積聚、橫
亘若洲焉、於是餘賊數百艘、四散逃潰、臣復遣各官、
分路追勦、毋令逸入他境爲患。二十七日、及之於樵
舍、大破之、又破之於吳城、擒斬復千餘級、落水死者
殆盡。二十八日、得知府陳槐等報、亦各與賊戰於沿
湖諸處、擒斬各千餘級、臣等既擒寧王而入闔城內、
外軍民聚觀者以數萬、歡呼之聲、震動天地、莫不舉
首加額、真若解倒懸之苦、而出於水火之中也。除將
寧王并其世子郡王、將軍儀賓、僞授太師國師元帥
都督都指揮等官、各另監羈候解、被執脇從等官、并

省城此所謂善戰者致人而不致於人也鄱湖迎戰逆濠已爲迷林之鳥失水之魚成擒必矣先生全以先着取勝

各宗室別行議奏及將擒斬俘獲功次一萬一千有奇發御史謝源伍希儒暫令審驗紀錄另行造冊繳報外照得臣節該欽奉勅諭但有盜賊生發即便嚴督各該兵備守備守巡并各軍衛有司設法調兵勦殺其管領兵快人等官員不問文職武職若在軍前違期并逗遛退縮者俱聽以軍法從事生擒盜賊鞫問明白亦聽就行斬首示衆斬獲賊級行令各該兵備守巡守備官卽時紀驗明白備行江西按察司造冊繳報查照事例陞賞激勸欽此及准兵部題稱今後但草賊生發事情緊急該管官司即便依律調撥

官軍乘機勦捕，應合會捕者，亦就調發策應等因，節奉欽依。備咨前來。又節該奉勅如或江西別府報有賊情緊急，移文至日，爾亦要及時遣兵策應，毋得違悞。欽此。俱經欽遵。外竊照寧王烝淫奸暴，腥穢彰聞，賊殺善類，剝害細民，數其罪惡，世所未有不軌之謀，已踰一紀，積威所劫，遠被四方。士夫雖在千里之外，皆閉目搖手，莫敢論其是非。小人雖在幽僻之中，且吞聲飲恨，不敢訴其冤抑。兼又招納叛亡，誘致劇賊，渠魁如吳十三、凌十一之屬，牽引數千餘衆，召募四方武藝驍勇，力能拔樹排關者，亦萬有餘徒。又使其

黨王春等分齎金銀數萬陰置奸徒於滄州淮揚山東河南之間亦各數千比其起事之日從其護衛姻族連其黨與朋私驅脇商旅軍民分遣其官屬親暱使各募兵從行多者數千少者數百帆檣蔽江衆號一十八萬其從之東下者實亦不下八九萬餘且又矯稱密旨以脇制遠近僞傳檄諭以搖惑人心故其舉兵倡亂一月有餘而四方震懾畏避皆謂其大事已定莫敢抗義出身與之爭衡從事抱節者僅堅城而自守忠憤者惟集兵以俟時非知謀忠義之不足其氣焰使然也臣以孱弱多病之質才不逮於凡庸

見當事者
處置之妙

知每失之迂繆當茲大變輒敢冒非其任以行旅百
數之卒起事於顛沛危疑之中旬月之間遂能克復
堅城俘擒元惡以萬餘烏合之兵而破強寇十萬之
衆是固上天之陰騭宗社之默祐陛下之威靈而廟
廊謀議諸臣消禍於將萌而預爲之處見機於未動
而潛爲之制改臣提督使得扼制上流而凜然有虎
豹在山之威申明律例使人自爲戰而翕然有臂指
相使之形勅臣以及時策應不限以地而隱然有常
山首尾之勢故臣得以不俟詔旨之下而調集數郡
之兵數郡之民亦不待詔旨之督而自有以赴國家

固是不敢
居功亦道
其實情耳

之難。長驅越境。直搗窮追。不以非任爲嫌。是乃伏至
險於無形之中。藏不測於常制之外。人徒見嬖奚之
多獲。而不知王良之善御。有以致之也。然則今日之
舉。廟廊諸臣。預謀早計之功。其又孰得而先之乎。及
照御史謝源伍希儒。監軍督哨。謀畫居多。倡勇宣威。
勞苦備嘗。領哨知府伍文定。邢珣。徐璉。戴德。儒。陳槐。
曾璉。林城。周朝佐。署都指揮僉事。余恩。分哨通判。胡
堯元。童琦。談儲。推官王暉。徐文英。知縣李楫。李美。王
冕。王軾。劉源清。劉守緒。傅南喬。隨哨通判楊昉。陳旦。
指揮麻璽。高睿。孟俊。知縣張淮。應恩。王庭。顧似。萬士。

見當事者
處置之妙

知每失之迂繆、當茲大變、輒敢冒非其任、以行旅百
數之卒、起事於顛沛危疑之中、旬月之間、遂能克復
堅城、俘擒元惡、以萬餘烏合之兵、而破強寇十萬之
衆、是固上天之陰騭、宗社之默祐、陛下之威靈、而廟
廊謀議諸臣、消禍於將萌、而預爲之處、見機於未動、
而潛爲之制、改臣提督、使得扼制上流、而凜然有虎
豹在山之威、申明律例、使人自爲戰、而翕然有臂指
相使之形、勅臣以及時策應、不限以地、而隱然有常
山首尾之勢、故臣得以不俟詔旨之下、而調集數郡
之兵、數郡之民、亦不待詔旨之督、而自有以赴國家

固是不敢
居功亦道
其實情耳

之難。長驅越境。直搗窮追。不以非任爲嫌。是乃伏至
險於無形之中。藏不測於常制之外。人徒見嬖奚之
多獲。而不知王良之善御。有以致之也。然則今日之
舉。廟廊諸臣。預謀早計之功。其又孰得而先之乎。及
照御史謝源伍希儒監軍督哨。謀畫居多。倡勇宣威。
勞苦備嘗。領哨知府伍文定。邢珣。徐璉。戴德。儒。陳槐。
曾璵。林城。周朝佐。署都指揮僉事余恩。分哨通判胡
堯元。童琦。談儲。推官王暉。徐文英。知縣李楫。李美。王
冕。王軾。劉源清。劉守緒。傅南喬。隨哨通判楊昉。陳旦。
指揮麻璽。高睿。孟俊。知縣張淮。應恩。王庭。顧似。萬士。

賢馬津等雖効績輸能，亦有等列。然皆首從義師，爭赴國難，協謀并力，共收全功。其間若伍文定、邢珣、徐璉、戴德儒等，冒險衝鋒，功烈尤懋。鄉官都御史王懋中、編修鄒守益、御史張鼐、山郎中曾直、評事羅僑、僉事劉藍、進士郭持平、驛丞王思、李中、按察使劉遜、叅政黃繡、知府劉昭等，仗義興兵，協張威武，運籌贊畫，夾輔折衝。以上各官功勞，雖在尋常征勦，亦已甚爲難得。況當震恐搖惑，四方知勇莫敢一膺其鋒，而各官激烈忠憤，捐身殉國，乃能若此。伏願皇上論功朝錫之餘，普加爵賞，旌擢以勸天下之忠義，以勵將來。

之懦怯、仍詔示天下、使知奸雄若寧王者、其不軌之謀已十有餘年、而發之旬月、輒就擒滅、於以見天命之有在、神器之不可窺、以定天下之志、尤願皇上罷息巡幸、建立國本、端拱勵精、以承宗社之洪休、以絕奸雄之覬覦、則天下幸甚、臣等幸甚、緣係捷音事理、爲此具本專差千戶王佐親齎謹具題知、

先生之擒逆濠全在刻期會兵、豐城急攻、省城使逆濠南向之兵、狼顧復回、便已挫其朝氣、是以一鼓成擒、兵法所謂攻其必救、擊其惰歸者是也、後有重上捷音一疏、添入張永、朱泰、張忠、朱暉、魏

賢馬津等雖効績輸能亦有等列然皆首從義師爭赴國難協謀并力共收全功其間若伍文定邢珣徐璉戴德儒等冒險衝鋒功烈尤懋鄉官都御史王懋中編修鄒守益御史張鼐山郎中曾直評事羅僑僉事劉藍進士郭持平驛丞王思李中按察使劉遜叅政黃繡知府劉昭等仗義興兵協張威武運籌贊畫夾輔折衝以上各官功勞雖在尋常征勦亦已甚爲難得況當震恐搖惑四方知勇莫敢一膺其鋒而各官激烈忠憤捐身殉國乃能若此伏願皇上論功朝錫之餘普加爵賞旌擢以勸天下之忠義以勵將來

之懦怯，仍詔示天下，使知奸雄若寧王者，其不軌之謀已十有餘年，而發之旬月，輒就擒滅，於以見天命之有在，神器之不可窺，以定天下之志，尤願皇上罷息巡幸，建立國本，端拱勵精，以承宗社之洪休，以絕奸雄之覬覦，則天下幸甚，臣等幸甚。緣係捷音事理，爲此具本專差千戶王佐親齎，謹具題知。

先生之擒逆濠，全在刻期會兵，豐城急攻，省城使逆濠南向之兵，狼顧復回，便已挫其朝氣，是以一鼓成擒。兵法所謂攻其必救，擊其惰歸者是也。後有重上捷音一疏，添入張永、朱泰、張忠、朱暉、魏

用兵之道
莫妙於間
然未易言
也孫子曰
五間俱起
莫知其道
是謂神紀
蓋言五間
錯綜以使
之參伍以
驗之敵人
莫測後能

彬朱彬王憲等輩不特用以息讒避禍也亦以萬
乘親臨功則歸君於禮固然卽聖人處此亦應如
是

征宸濠反間遺事

附論兵
二條

龍光曰正德十四年六月十五日先生於豐城聞宸
濠之變時參謀雷濟蕭禹在侍相與拜天誓死起兵
討賊欲趨還吉安南風正急舟不能進痛哭告天頃
之得北風宸濠追兵將及先生潛入漁船得脫恐濠
徑襲南京遂犯北京兩京倉卒無備思欲沮之使遲
留半月不出遠近得以爲計乃假寫兩廣都御史火

盡間之用
若執一術
以往鮮不
取敗故曰
非聖知不
能用間先
生可謂極
聖知之用
矣然其要
在於知人
善任故又
曰非仁義
不能使間
非微妙不
能得間之
實先生得
雷濟蕭禹
而後其間
得行非大
智不能也

牌云提督兩廣軍務御史楊爲機密軍務事准兵部
咨及都察院右副都御史顏容俱爲前事本院帶領
狼達官兵四十八萬往江西公幹的於五月初三日
在廣州府起馬前進仰沿途軍衛有司等衙門即便
照數預備糧草伺候官兵到日支應若臨期缺乏悞
事照依軍法斬首等因意示朝廷先差顏等勘事已
密於兩廣各處起調兵馬潛來收濠使之恐懼遲疑
不敢進也令濟等密遣乖覺人持火牌設法打入省
城濠見牌果疑懼十八日先生回至吉安又令濟等
假寫南雄南安贛州等府報帖日逐飛報府城打入

省。下。一。以。動。搖。省。城。人。心。一。以。鼓。勵。吉。安。效。義。之。士。
又。令。濟。等。假。寫。迎。接。京。軍。文。書。云。提。督。都。御。史。王。爲。
機。密。軍。務。事。准。兵。部。咨。該。本。部。題。奉。聖。旨。許。泰。邵。永。
分。領。邊。軍。四。萬。從。鳳。陽。等。處。陸。路。徑。撲。南。昌。劉。暉。桂。
勇。分。領。京。邊。官。軍。四。萬。從。徐。州。淮。安。等。處。水。路。竝。進。
分。襲。南。昌。王。守。仁。領。兵。二。萬。楊。旦。等。領。兵。八。萬。秦。金。
等。領。兵。六。萬。各。從。信。地。分。道。竝。進。刻。期。夾。攻。南。昌。務。
要。遵。照。方。畧。并。心。協。謀。依。期。速。進。毋。得。彼。先。此。後。致。
悞。事。機。欽。此。等。因。到。職。除。欽。遵。外。照。得。本。職。先。因。奉。
勅。前。往。福。建。公。幹。行。至。豐。城。地。方。卒。聞。寧。王。反。報。當。

已退回吉安府起兵。今准前因遵奉勅旨。候兩廣兵齊。依期前進外。看得兵部咨到緣繇。係奉朝廷機密勅旨。皆是掩其不備。先發制人之謀。其時必以寧王之兵。尙未舉動。今賊兵已出。約有二十萬。若北來官兵。不知的實消息。未免有悞事機。以本職計之。若寧王堅守南昌。擁兵不出。京邊官軍遠來。天時地利。兩皆不便。一時恐亦難圖。須是按兵徐行。或分兵先守南都。候寧王已離江西。然後或遮其前。或擊其後。使之首尾不救。破之必矣。今寧王主謀李士實。劉養正等。各有書密寄本職。賊將凌十一。閔念四。亦各密

見之焉得
不疑

差心腹。前來本職遞狀。皆要反戈立功報効。可見寧
王。已。是。衆。叛。親。離。之。人。其。敗。必。不。久。矣。今。聞。兩。廣。共
起。兵。四。十。八。萬。其。先。鋒。八。萬。係。遵。勅。旨。之。數。今。已。到
贛。州。地。方。湖。廣。起。兵。二。十。萬。其。先。鋒。六。萬。係。遵。勅。旨
之。數。今。聞。已。到。黃。州。地。方。本。職。起。兵。十。萬。遵。照。勅。旨。
先。領。二。萬。屯。吉。安。府。地。方。各。府。知。府。等。官。各。起。兵。快。
約。亦。不。下。一。萬。之。數。共。計。十。一。二。萬。人。馬。儘。已。彀。用。
但。得。寧。王。早。離。江。西。其。中。必。有。內。變。因。而。乘。機。夾。攻。
爲。力。甚。易。爲。此。今。用。手。本。備。開。緣。繇。前。去。煩。請。查。照
裁。處。并。將。一。應。進。止。機。宜。計。議。停。當。選。差。乖。覺。曉。事。

是謂內間

人員與同差去人役星夜回報施行須至手本者既已寫成手本令濟等選差慣能走遞家人重與盤纏以前事機當作實情備細密切說與令渠潛蹤隱跡星夜前來南京淮揚等處迎接官兵又令濟等等訪素與宸濠交通之人厚加結納令渠密去報知寧府宸濠聞知大加賞賜差人四路捕獲既見手本愈加疑懼將差人備細拷問詳悉當時殺死并疑李士實劉養正不信其謀先生又假寫回報李士實書內云承手教密示足見老先生精忠報國之本心始知近日之事迫於勢不得已而然身雖陷於羅網心罔不

是謂反間

在王室也。所諭密謀，非老先生斷不能及此。今又得子吉同心協力，當萬萬無失矣。然機事不密則害成，務須乘時待機而發，乃可不然。恐無益於國而徒爲老先生與子吉之累。又區區心所不忍也。況今兵勢四路已合，只待此公一出，便可下手。但恐未肯輕出耳。昨凌閔諸將遣人密傳消息，亦皆出於老先生與子吉開導激發而然。但恐此三四人者皆是龕漢易有漏泄，須戒令慎密，曲爲之防可也。與劉養正書亦同。兩書既就，遣雷濟設法差遞。李士實、龍光設法差遞。劉養正各差遞人，皆被宸濠殺死。宸濠繇是愈疑。

是謂死間

是謂因間

劉李、劉李亦各自相疑、不肯出身任事、以故上下人心、互生同異、兵勢日衰、又遣素與劉養正交厚指揮高睿致書養正、又遣雷濟龍光將養正家屬在吉安者、厚加饋問、陰遣其家人密至養正處傳遞消息、又遣雷濟蕭禹引誘內官萬銳等、私寫書信與內官陳賢、劉吉、喻泳、皆反間之謀、又多寫告示、及招降旗號、開諭逆順禍福、及寫木牌等項、動以千計、分遣雷濟蕭禹、龍光、王佐等、潛投賊壘、將告示粘貼、及旗號木牌、四路標插、又先張疑兵於豐城、示以欲攻之勢、初時宸濠謀定、以六月十七日出兵、徑趨南京、謁陵卽

必有此着
後前之用
間纔有用
否則亦是
虛着

逆濠一出
一返俱在
先生操縱
中知兵貴

位遂直犯北京、因得前項諸事、懷疑遂不敢輕出、故
於十七等日、先遣兵出攻南康九江、而自留省城、賊
兵等候濠不出、久駐江湖之上、師老氣衰、又見四路
所貼告示、及插旗號木牌、人人解體、日漸離散、其後
濠探知四路無兵、方始出城、我師已整候其一出、卽
統伍知府等官疾趨攻破省城、度濠顧念根本、勢必
歸救、遂預發兵迎擊於鄱陽湖、大戰三日、罪人斯得、
黃久庵曰、先生義師既集、猶謂急衝其鋒、攻其有備、
皆非計之得也、始示賊以自守不出之形、必俟其出、
然後尾而圖之、先搗其巢、彼必回兵來援、我則邀而

先人一着

兵之害莫
甚於猶豫
未有疑而
不敗者

擊之。此全勝之策也。濠果使人探公未出，先發兵出攻南康九江，自居省城以禦公。七月初二日，濠又使人探公兵果不出，乃留兵守省城，自引兵向安慶。公因其出，遂急促各兵克復省城。

龍光又謂錢德洪曰：昔先生寫楊公火牌等，將發時，雷濟問曰：寧王見此，恐未必信。曰：不信可疑。否？對曰：疑則不免。先生笑曰：得渠一疑，吾事濟矣。既而歎曰：宸濠素行無道，殘害百姓，今雖一時從逆者衆，必非本心，徒以威劫利誘，苟一時之合耳。縱使奮兵前去，我以問罪之師，徐躡其後，順逆之勢既判，勝負預可。

先生擒逆
濠盡在此
著

知也。但賊兵早越一方。遂破殘一方。民命虎兇出柙。收之遂難。爲今之計。只是遲留宸濠。一日不出。則天下實受一日之福。後先生奏捷疏。慮繁文太多。一切反間之計。俱不言及。亦以設謀用詭。非君子不得已之事。不欲明言示人。當時若使不行間計。遲留寧王。寧王必卽時擁兵前進。正所謂迅雷不及掩耳。兩京各路。何恃爲備。所以破敗寧王。使之坐失事機。全是遲留寧王一着。所以遲留寧王。全是謀行反間一着。今人讀奏冊所報。皆是可書之功。而不知書不能盡者。十倍於奏冊也。事平之後。北軍南來。失其奸謀。痛恨

可痛可忿

信如是言

真是匪夷
所思

先生百計羅織無所泄毒、擠怒門人、冀元亨與濟禹
光等俱欲置之死地、元亨被執、光等四竄逃匿、家破
人亡、妻離子散、直伺官軍離省、方敢出身回家、當時
光等粘貼告示、標插旗號、木牌皆是半夜昏黑、衝風
冒雨、涉險破浪、出入賊壘、萬死一生、所差行間人役、
被宸濠殺者、俱是親信家人、今當事平之後、議者不
究始末、將在冊功次、亦盡削去、賞罰若此、倘自今已
後、天下再有事變、人皆以光等爲鑑戒矣。
龍光又曰、先生應變之神、真不可測、時官兵方破省
城、忽傳令造免死木牌數十萬、莫知所用、及發兵迎

岳家軍亦只是如此

外奪敵心
內壯我氣
一牌之用
大矣
較淮陰之
促項手段
更高

擊宸濠於湖上。取木牌順流放下。時賊兵既聞省城已破。脇從之衆俱欲逃竄無路。見水浮木牌。一時爭取散去。不計其數。二十五日。賊勢尚銳。值風不便。我兵少挫。先生急令斬取先卻者頭。知府伍文定等立於砲銃之間。方奮督各兵殊死抵戰。賊兵忽見一大牌書寧王已擒我軍母得縱殺。一時驚擾。遂大潰。次日賊兵窮迫。宸濠思欲潛逃。見一漁船隱于蘆葦之中。宸濠大聲叫渡。漁人移棹請渡。竟送中軍諸將尙未知也。

雷濟曰。先生在豐城聞變。時夫人公子在舟。先生呼

勿劇中計
慮如此精
詳

不動心實
未容易必
着着勝算
預定於胸
中方能若
此否則便

陽明先生集卷之四
一小漁船自縛勅令濟禹持米二斗、鱖魚五寸、與夫
人爲別、將發問濟曰、行備否、對曰、已備、先生笑曰、還
少一物、濟禹思之、不得、先生命取黃蓋曰、到地方無
此、何以示信、明日至吉安城下、城門戒嚴、舟不得泊、
濟禹張蓋以示、城中遂歡慶曰、王爺爺還矣、乃開門
羅拜迎入、濟禹因竊歎先生危迫之時、其暇裕如此、
錢德洪曰、昔有人問先生用兵有術否、先生曰、用兵
何術、但學問純篤、養得此心不動、乃術爾、凡人智能
相去不甚遠、勝負之數、不待卜諸臨陣、只在此心動
與不動之間、後與寧王戰于湖上、南風正急、而命某

是暴虎馮河之輩矣

安石折屐
東山便露
出本色故
要平日學
問純篤

讀此方知
用兵之道

某爲火攻之具，是時前軍正挫，某某對立矍視，三四
申告耳如弗聞，此輩皆有大名於時者，平時自謂智
術有餘，然臨事忙失，若此智術將安所施？

鄒謙之曰：昔先生與寧王交戰時，尙在中軍講學，諜
者走報前軍失利，坐中皆有怖色，先生出見諜者，退
而就坐，復接緒言，神色自若。頃之諜者走報賊兵大
潰，坐中皆有喜色，先生出見諜者，退而就坐，復接緒
言，神色亦自若。

陳惟濬曰：昔有侍于先生者，自稱可與行師，先生問
之，對曰：某能不動心。曰：不動心可，易言耶？對曰：某得

非深於學問者不能
彼爭勝於白刃之前
者真匹夫之勇也

此處却難

陽明先生集 卷四
制動之方先生笑曰此心當對敵時且要制動又誰
與發謀出慮耶又問人有不知學問者儘能履險不
懼是亦可與行師否先生曰人之性氣剛者亦能履
險不懼但其心必待強持而後能卽強持便是本體
之蔽便不能宰割庶事孟施舍之所謂守氣者也若
人真肯在良知上用功時時精明不蔽於欲自能臨
事不動不動真體自能應變無方此曾子之所謂守
約自反而縮雖千萬人吾往者也
劉邦采曰昔有人問先生能養得此心不動卽可與
行師否先生曰也須學過此是對刀殺人豈意想可

真實着痛
癢之談

真學問真
經濟

得。必。須。身。習。其。事。節。制。漸。明。智。慧。漸。周。方。可。信。行。蓋
天。下。未。有。不。履。其。事。而。能。造。其。理。者。此。後。世。格。物。之
學。所。以。爲。謬。也。孔。子。自。謂。軍。旅。之。事。未。之。學。此。亦。不
是。謙。言。但。聖。人。得。位。行。志。自。有。消。變。未。形。之。道。不。須
用。此。後。世。論。治。于。根。源。上。全。不。講。及。每。事。只。在。半。中。
截。做。起。故。犯。手。腳。若。在。根。源。上。講。求。豈。有。必。事。殺。人。
而。後。安。得。人。之。理。某。自。征。贛。以。來。朝。廷。使。我。日。以。殺
人。爲。事。心。豈。割。忍。但。事。勢。至。此。譬。之。旣。病。之。人。且。須
治。其。外。邪。方。可。扶。回。元。氣。病。後。施。藥。猶。勝。立。視。其。死
故。耳。可。惜。平。生。精。神。俱。用。在。此。沒。要。緊。事。上。去。了。

反間一著先生平濠之功繇此成而謫亦繇此集
從來任事之難若此至今日更難言之恐功未成
而身先爲射的矣故必有眼眶大如天方可窺豪
傑作用

犒賞福建官軍

據福建按察司整飭兵備兼管分巡漳南道僉事周
期雍呈稱依奉本院案驗起取上杭等處軍兵共五
千餘名分委指揮劉欽知縣邢暄等及起取漳州府
海滄打手三千餘名行委通判李一寧等管領本道
躬親統督先後啟行前來等因到院案照先爲飛報

地方謀反重情事看係國家大難存亡所關隨即備咨南京兵部及巡撫兩廣湖廣等衙門并福建三司等官選取驍勇兵快選委謀勇官員監統兼程前來共勤國難去後今據前因看得逆賊已經成擒餘黨悉漸殄滅除將各該官兵先行發回外切照福建漳南相距江西省城約計程途有一千七八百里之遙該道乃能不滿旬月調集官軍兵快八千員名之衆首先各省而至足見本官勇畧多謀預備有素忠義之誠足以感激人心敏捷之才足以綜理庶務故一呼而集兼程赴難除另行旌獎外及照調來官兵衝

冒炎暑遠赴國難忠義既有可嘉勞苦尤爲足憫合
加犒賞以勵將來爲此除將支出官銀差官領齎該
道仰抄案回司卽將原調領兵官員并軍兵鄉夫人
等酌量犒賞用見本院獎勞之心以爲將來忠勤之
勸仍仰該道備查各兵原係操練者照舊在班操練
以備緊急調用添募者着令回還田里各安生業務
爲良善之民共享太平之福毋得分外爲非致招身
家之累備行巡按衙門知會

雖未經用猶加犒賞則軍士無不悅心而周期雍
之功勞又且不忘於事後數年之久此所以賞罰

明信而人人力於事功也

請止親征疏

十四年八月十七日

正德十四年八月十六日准兵部咨該本部等衙門題內開南京守備叅贊官連奏十分緊急軍情相應急爲議處合無請命將官一員掛平賊將軍印充總兵官關領符驗旗牌挑選各營精銳官軍三千餘名各給賞賜銀兩布疋交兌正馱馬匹關給軍火器械上緊前去南京相機戰守再有的報就便會合各路人馬征進再請勅都御史王守仁選調堪用官軍民快親自督領於江西東南要路住劄把截相機行事

仍委浙江布政司左叅政閔楷、選募處州民兵統領、
定擬住劄地方、聽調策應、勦捕再請勅一道齎付都、
御史王守仁、不妨提督軍務、原任兼巡撫江西地方、
前項所報軍情、如果南京守備差人體勘再有的報、
聽前項領軍官出給榜文告示、徧發江西地方張掛、
傳說曉諭、但有能聚集義兵、擒殺反逆賊犯者、量其
功績大小、封拜侯伯、及陞授都指揮千百戶等官、世
襲賊夥內有能自相擒斬首官者、與免本罪、具奏定
奪等因、具題、節該奉聖旨、這江西寧王謀爲不法事、
情重大、爾部裏旣會官議處停當、朕當親率六師奉

親征之說
當時中貴
忌功者所
倡然無奈
濠已就擒
何也親解
赴關自有
深意

天征討不必命將王守仁暫且准行欽此欽遵備咨
到臣案查先爲飛報地方謀反重情事屬者寧王宸
濠殺害守臣舉兵謀逆臣於六月十九日具本奏聞
之後調集軍兵擇委官屬激勵士氣振揚武勇七月
二十日先攻省城墟其勦穴本月二十四等日兵至
鄱陽湖與賊連日大戰至二十六日宸濠遂已就擒
謀黨李士實等賊首凌十一等俱已擒獲賊從俱已
掃蕩聞廣赴調兵士俱已散還地方驚擾之民俱已
撫帖臣一念忠憤誓不與賊俱生而迂疎薄劣之才
實亦何能辦此是皆祖宗在天之靈我皇上聖武之

意在止駕
不得不如此
懇切

懋昭本兵謀畧之素定官屬協力士卒用命所致臣
已節次具本奏報外竊惟宸濠擅作辟威虐焰已張
于遠睥睨神器陰謀久蓄於中招納叛亡輦轂之動
靜探無遺跡廣置奸細臣下之奏白百不一通發謀
之始逆料大駕必將親征先於沿途伏有奸黨期爲
博浪荆軻之謀今逆不旋踵遂已成擒法宜解赴闕
門式昭天討然欲付之部下各官押解誠恐舊所潛
布之徒尚有存者乘隙竊發或致意外之虞臣死且
有遺憾況平賊獻俘固國家之常典亦臣子之職分
臣謹於九月十一日親自量帶官軍將宸濠并逆賊

情重人犯督解赴闕外謹具本題知

行江西布按二司看守寧府庫藏

照得寧府庫藏已經本院督同戴罪三司官員并各
府知府公同封識完固合就委官監督看守爲此仰
該司掌印官定委老成曉事官二員分領僉定大戶
人等每夜上宿看守東西二庫仍令兵快把守寧府
南東西三門晝夜巡邏不許移動一草一輓二司掌
印官并該道分巡官不時巡視開點毋得視常虛應
故事儻致疎失責有所歸

如此謹慎後尙不免忌者之議信居官者凡貨賄

所關不得不慎之又慎也

委知府伍文定邢珣防守省城牌

九月十二日

照得江西大亂勦平地方幸已稍靖但巡撫官員被殺巡按及三司府州縣衛所等官俱各戴罪聽叅本院卽今又督官兵押解寧王并其黨與赴京省城居民久遭荼苦瘡痍未起驚疑未息雖經撫諭誠恐本院去後或有意外之虞擬合委官畱兵防守爲此牌仰領兵知府伍文定邢珣等卽便照依後開班次輪流各行量帶官兵晝夜固守城池保障地方撫安居民禁革騷擾候撫按官員及三司等官到任事定之

日方許回還、照舊管事、毋得違錯、

計開

一班知府伍文定邢珣 二班徐璉戴德儒

三班曾璵

四班周朝佐林珵

大難既平、他人處此、未免懈弛、先生猶加意防守、
所以百無一失

行江西按察司編審九姓漁戶牌

九月二十四日

爲照賊首吳十三凌十一、閔念四、念八等、俱已擒獲、
黨類亦多誅勦、雖有脇從之徒、皆非得已、節該本院
備奉欽降黃榜、通行給發曉諭、許其自首、改過自新、

有欲聯絡
漁兵以殺
賊者殆未
知此弊也

安插訖數內楊子橋等九姓漁戶又該知縣王軾引
赴軍門投首審各執稱被脇情有可矜當該本院量
行責治仍發本官帶回安撫外今訪得前項漁戶尙
有隱匿未報及已報在官而乘勢爲非者况查沿江
湖港等處亦有漁戶以打魚爲繇因而劫殺人財雖
嘗緝捕禁約而官吏因循禁防廢弛合就通行查處
爲此仰抄案回司即便選委能幹官員會同安義等
縣掌印捕盜等官拘集楊子橋等九姓漁戶到官從
公查審要見戶計若干丁計若干已報在官若干未
報在官若干各駕大小漁船若干原在某處地方打

魚生理著定年貌籍貫編成牌甲。每十名爲一牌。內
僉衆所畏服一名爲小甲。地方多寡每五牌或六牌
爲一甲。內僉衆所信服一名爲總甲。責令不時管束
戒諭。仍於原駕船梢粉飾方尺。官爲開寫姓名年甲
籍貫住址及註定打魚所在。用鐵打字號火烙印記
開造印信手冊在官。每月朔望各具不致爲非結狀。
親自赴縣投遞。用憑稽考點聞。中間如有隱匿不報
者。俱許投首免罪。亦就照前行。若有已報在官。仍前
乘機爲非抗頑不行到官。就仰從長計議。應撫應捕。
遵照本院欽奉勅諭隨宜處置事理。徑自施行。今後

必如此後
法纔行

但有上戸官民客商人等被害。就於本處追究。務在
得獲明正典刑。仍卽通行南昌等一十三府及各州
縣一體查處。編立牌甲。嚴加禁約。施行造冊繳報。查
考。如或故違。定將首領官吏拏問。決不輕貸。

凡係水道去處。此法俱宜力行。然漁船爲盜多有
勢力憑藉。必地方有司有料理之才。又有破柱之
風力方能行此。余官漳日久行之。鮮效。殊爲可愧。
行江西布按二司清查軍前取用錢糧。

案照先因寧王變亂。該本部備行南贛等府起調各
項軍兵追勦。合用糧餉等項。就仰聽將在官錢糧支

給間、隨據吉安府申稱、動調兵快數萬、本府錢糧數
少、乞爲急處等情、已經通行各府、速將見貯、不拘何
項錢糧、以三分爲率、內將二分解赴軍前接濟外、續
看前項事情、係國家大難、存亡所關、誠恐兵力不敷、
又牌行各該官司、卽選父子鄉兵、在官操練、聽將官
錢支作口糧、候本院另有明文、一至啟行去後、今照
前項首惡、并其謀黨、俱已擒斬、原調各處軍兵、久已
散歸、所據用過糧餉等項、合行查造、爲此仰抄案回
司、卽查各府州縣、自用兵日起至掣兵日止、要見某
項錢糧、差何人役解赴軍前應用若干、有無獲奉批

廻在卷。又將某項錢糧。差何人役解赴某官處支給。官兵口糧等項若干。自某月日期起。至某月日止。各支若干。或係那借。惟復措置之數。務要清查明白。類造文冊。星馳差人送院查考。中間如有官吏人等。通同作弊。重支冒領。或以少作多。侵欺捏報者。就便拏問。照例發遣。毋得違錯。

近日邊鎮諸臣。多以錢糧蒙議。必如此項項清楚。方無尤悔。所以立大功者。精神無事。不綿密。

獻俘揭帖

准欽差提督贊畫機密軍務御馬監太監張揭帖開

稱聖駕親率六師奉天征討、已臨山東南直隸境界、
所據前項人犯、宜合比常加謹防守調攝、待候駕臨
江西省下之日、查勘起謀根繇明白、應否起解斬首
梟掛等項、就彼處分定奪、若不移文知會、誠恐地方
官員不知事理、不行奏請明旨、那移他處、或擅自起
解、致使臨難對證、有誤軍機等因、卷查先爲飛報地
方謀反重情云云、本職已將寧王并逆黨親自量帶
官兵、徑從水路、照依原擬日期、啟行解赴京師、已至
廣信地方外、今又准前因、及該差官畱本職并寧王
及各黨類回省、爲照前項人犯、先監按察司、責委官

員人等晝夜嚴加關防有病隨即撥醫調治數內謀黨李士實王春劉養正等已多醫治不痊俱各身故隨差官吏件作人等前去相驗責付淺殯撥人看守其寧王及謀黨劉吉等俱係惡焰久張之人設若淹禁不行解報縱有官兵加謹防守恐或扇誘別生他奸今若畱回省城中途疎虞猶爲可慮兼且人犯多生瘡痢沿途亦卽撥醫調治又有數內鎮國將軍拱械并世子二哥各行身故又經差官相明買棺裝殮責仰貴溪縣撥人看守其餘尙未痊可若更生往返跋涉未免各犯性命愈加狼狽相繼死故終無解京

人犯抑恐驚搖遠近變起不測本職親解寧王先已
奏聞朝廷定有起程日期豈敢久滯因循不卽解獻
違慢疎虞罪將焉追及照庫藏冊籍等項未准揭帖
之先已會多官封貯在府待命定奪况新任按察使
伍文定及戴罪三司官領兵知府等官俱各見在封
識明白別無可疑除將寧王宸濠等各另差官分押
宮眷婦女行各將軍府取有內使管伴俱照舊親自
解京外所有庫藏等項奉有明旨自應查盤起解就
請公同三司并各府等官眼同徑自區處爲此合用
揭帖前去煩請查照施行

此事極難處先生此揭執理極正措辭極婉卽有嫉怒者其如先生何

咨兵部查驗文移

照得本職已將寧王宸濠并其黨與及宮眷人等照依原擬具奏日期起程親自解赴闕下間隨據南康府申并江西按察司呈各奉欽差提督軍務御馬監太監張劄付內開訪得宸濠已該本職擒獲克復省城等語未曾親到江西又無堪信文移止是見人傳說遽難憑據况宗藩人衆中間恐有撥置同謀逆黨未盡等因及節准欽差提督贊畫機密軍務御馬監

太監張揭帖、開稱將各犯委的當人員、用心防守、調攝飲食、獻俘闕下、會官封記庫藏、俱候按臨地方、區畫等因、又准欽差提督軍務充總兵官安邊伯朱手、本開稱卽查節次共擒斬叛賊級若干、內各處原奏報有名若干、無名若干、有名未獲漏網并自首、及所獲馬騾器械等項各若干、連獲官軍衛所職役姓名、備查明白、俱各存留江西省城、聽候審驗、仍查餘黨有無奔潰、及曾否殄滅盡絕緣繇、通行開報、以憑回報等因、各到職爲照、宸濠并其同謀黨與、俱已擒獲、餘孽亦就誅戮、雖有脇從、數亦不多、皆非得已、隨卽

遵奉欽降黃榜曉諭俱赴所在官司投首解散其庫藏等項該本職會同多官於未准揭帖之先眼同封貯在官聽候命下定奪官軍兵快擒斬功次見該原經奏留兩廣監察御史謝源伍希儒查造奏繳及照宸濠并各重犯宮眷人等見解廣信地方設若往返恐致疎虞及違悞本職奏報原擬日期除照舊督解前赴闕下獻俘以昭聖武及具揭帖各另回覆外今照前因照得本職謬當軍旅重寄地方安危所關三軍死生攸係一應事機若非奉有御寶勅旨及兵部印信咨文安敢輕易憑信今前項各官文移既非祖

宗○舊○章○成○憲○就○使○果○皆○出○於○上○意○亦○須○貴○部○行○有○知○
會○公○文○萬○一○奸○人○假○托○各○官○名○目○乘○間○作○弊○致○有○不○
測○變○亂○本○職○雖○死○亦○何○所○及○除○奉○欽○差○總○督○軍○務○威○
武○大○將○軍○總○兵○官○後○軍○都○督○府○太○師○鎮○國○公○朱○鈞○帖○
曾○奉○朝○旨○相○應○遵○奉○其○餘○悉○遵○舊○章○施○行○外○緣○前○項○
各○官○文○移○未○委○虛○的○俱○合○備○行○咨○報○貴○部○爲○此○備○抄○
揭○帖○粘○連○咨○請○查○驗○施○行○

前項文移俱出於忌功之輩假借上意故本兵不
得而知所關不小此咨自不可少

行江西布按二司釐革撫綏條件

九月十
二日

照得江西未亂之前、民僞頗滋、吏政多弊、撫治之責、已號煩難、况大亂之後、錢糧有侵剋之費、軍伍有缺乏之虞、奸惡僞興、災旱荐作、法度申明之未至、官吏怠玩之或生、本院討賊平亂、功雖告成、釐革撫綏、力尙未徧、若不條析處分、深爲未便、爲此仰抄案回司、照依案驗內事理、逐一遵照施行、務使事各舉行、民沾實惠、毋得虛應故事、取罪不便、

計開

一省城大亂固已勦平、地方守備難便廢弛、除南新二縣機兵、令分巡該道分撥守門外、仰

布按二司掌印官會同於所屬隣近府州酌量原編機兵多寡量取輟二千名各委相應人員帶領來省操練以備不虞仍行南昌道分巡官較視點閱其各兵口糧就令各該縣分動支預備倉米穀計日分給候事完之日停止。

一十四年起運兌准間有被賊擄掠其未兌及未到水次并偏僻去處未經賊掠者尙多誠恐官吏糧里人等乘機隱匿捏故侵欺合先行查仰布按二司掌印官卽行各該府州縣

將已兌糧數。通查要見見在若干。果被賊擄若干。取具重甘結狀造冊繳報。以憑議處。其見在糧米。就於所在地方。暫且囤貯看守。如有未兌捏作已兌。不曾被賊捏作賊劫者。照例問發充軍。官吏坐擬贓罪。不恕。

一南昌九江南康三府被賊殘害尤宜矜恤。仰布按二司掌印官作急查勘呈來。以憑議處。

一南昌左衛旗軍多因從逆擒斬以致缺伍。仰布按二司官即便出給告示。許令在逃旗軍并餘丁投首。照依榜例免其罪名。着令頂補。

軍役。漸委官員管領以備操守。

一建昌安義二縣賊首雖已擒獲遺漏餘黨尙多。今既奉有榜例合與更新。仰布按二司轉行該縣出給告示。許各自新。痛改前惡。卽爲良民。有司照常撫恤。團保糧里。不得挾私陷害。如有不悛仍舊爲非者。擒捕施行。

一寧王庄田基屋湖地并寧府官員人役及投入用事從逆等項人犯田產例應籍沒。合先查理除將內官黃瑞基屋改作東湖書院以便學者講習外其餘仰布按二司掌印官會

同南昌道分巡官行委的當官員逐一清查。如田庄要見坐落地名何處。田畝若干。山場樹木若干。湖地廣濶若干。房屋幾門。今年見在花利。即便收貯所在地方。責人看守。通造手冊繳報。其有原係占奪民間物業。相應給還。及估價發賣。仍佃者。俱候查明之日。從容呈議審處。敢有隱匿。及指以原業捏稱借貸。輒行據占者。先行拏問。不恕。

一省城各衙門。并公廨。有殘圯應合修理者。仰布按二司掌印官。會同該道官。叅酌緩急。行

令府縣移拆無用房屋量加修理毋得虛費財物、

一省城湖地、仰布按二司行南昌府縣、其城濠行都司、各委人看守。魚利公同變收入官。以備公用。不許私取。及致人偷盜。

一今年鄉試因亂廢格除應否補試另行議奏外、其未亂之前已經舉行未畢事件合先查究、仰布政司將原發修理貢院席舍并發買物料等項銀兩若干。委何人管。卽今已修完并買到物料若干見存銀兩若干查明造報、

毋得因循。致令吏胥乘機隱匿作弊。其已買物料。有不堪貯者。姑令變價還官。以俟再買。以後未舉事件。有應合預處者。會同按察司并該道官。一面議處施行。按察司仍行提學官轉行所屬知悉。

大亂平定之後。尋常處此。惟知有飲食晏樂而已。觀先生釐革撫綏條件。真是事無巨細。精神無不周到。區畫無不中窾。正朱夫子所謂處事精詳者。可以見先生大學問。

案行浙江按察司交割逆犯暫留養病

十月初九日

照得當職先因患病、具本乞休間、奉勅扶病前往福建、公幹、六月十五日、行至江西豐城地方、適遇寧王興兵作亂、看係君父大難、義不忍去、復回吉安府、督同知府伍文定等、起調兵夫、招集義勇、扶病親行、統領於七月二十日、攻復省城、本月二十四五六等日、於鄱陽湖連日大戰、擒獲寧王宸濠、及逆黨李士實、劉養正、王春等、賊首吳十三、凌十一、閔念四、吳國七、閔念八等、先後具本奏報外、隨聞大駕南征、禮當解赴軍門、又因宸濠連日不食、慮恐物故、無以獻俘、奏凱、彰朝廷討賊之義、兼之合省內外人情、洵或生

他變當具本題知於九月十一日啟行將宸濠及逆黨宮眷解赴軍門當職力疾沿途醫藥親行押解行至廣信地方又奉欽差總督軍務鈞帖備仰照依制諭內事理即便轉行所屬司府衛所州縣驛遞等衙門欽遵施行等因遵依通行間續准欽差提督軍務御馬太監張照會及准欽差總督軍務充總兵官安邊伯朱手本各遣官邀回本職并將所解宸濠等逆犯回省聽候會審本職看得既奉總督軍門鈞帖自合解赴面受節制若復退還省城坐待駕臨恐涉遲漫且誤奏過程期又復扶病日夜前進行至浙江杭

真是難事

州府地方、前病愈加沈重、不能支持、請醫調治間、適遇欽差提督贊畫機密軍務御馬監太監張奉命前來江西體勘宸濠等反逆事情、及查理庫藏宮眷等事、當准鈞帖、開稱宸濠等待親臨地方覆審明白、具奉軍門定奪等因、爲照本職先因父老祖喪累疏乞休、未蒙俞允、隨扶病赴閩、意圖了事、卽彼地冒罪逃歸、旬日之前亦已具奏、不意行至中途、遭值寧王反叛、此係國家大變、臣子之義不容舍之而去、又闔省撫巡地方等官、無一人見在、天下事機間不容髮、故復忍死暫留、爲牽制攻討之圖、候命帥旣至、地方稍

此者非有
大識見者
不能

靖卽從初心死無所避臣區區報國血誠上通於天
不辭滅宗之禍不避形迹之嫌冒非其任以勤國難
亦望朝廷鑒臣此心不以法例繩縛使得少伸烏烏
之私等情具奏外今照前事本職自度病勢日重猝
未易愈前進既有不能退回愈有不可若再遲延必
成兩誤除本職暫畱當地請醫調治俟稍痊可一面
仍回省城或仍前進沿途迎駕一面具本乞恩養另
行外所據原解逆犯合就查明交割帶回省城聽候
駕臨審處通行爲此仰抄案回司着落官吏備呈欽
差提督軍務贊畫機密軍務御馬監太監張煩請會

同監軍御史公同當省都布按三司等官將是解逆
首宸濠及逆黨劉吉等各犯并宮眷馬匹等項逐一
交。查。明。白。仍。請。徑。自。另。委。相。應。官。員。兵。使。管。押。帶。回。
省。城。從。宜。審。處。轉。解。施。行。仍。備。呈。兵。部。查。照。知。會。抄
案。依。准。并。行。過。日。期。先。行。呈。報。

逆濠雖擒而在內多其黨與故武宗親征之說皆
奸人爲之一以爲逆濠之地一以忌陽明之功也
然先生卽依奉之而但以逆濠及一千叛黨交割
張璫而身自養病待命於浙真得吳以行權之妙
牌仰沿途各府州縣衛所驛遞巡司衙門懃諭

軍民

人之畏兵
若此慎毋
輕言調兵

照得先因寧王謀反，請兵征勦，續該本院親督各哨，於七月二十日，攻復省城二十四等日，在鄱陽湖連日與賊大戰，至二十六日，遂將寧王俘執，及其謀黨李士實等，賊首凌十一等，俱已前後擒獲，餘黨蕩平，地方稍靖。已於本月三十日，具本奏捷。訖近因傳報京軍復來，愚民妄相驚恐，逃竄往往，溺水自縊。本院親行撫諭，尙未能息，殊不知朝廷出兵，專爲誅賊救民。統兵將帥，皆係素有威望老臣宿將，紀律嚴明，遠近素所稱服。縱使復來，亦必自無擾害。況今寧賊已

擒地方已靖。京軍豈有無事遠涉之理。愚民無知，轉相驚惑，深爲可憫。誠恐沿途一帶居民亦多聽信傳聞，不實之言，而北來京軍尙未知寧王已擒，合行差官沿途曉諭軍民及一面迎候北來官兵，預請就彼回轉，除將寧王及逆黨與本院親自量帶官兵徑從水路解赴京師外，仰沿途軍衛有司驛遞等衙門照牌事理，卽行備出告示曉諭遠近鄉村軍民人等，使知寧賊已擒，京軍已轉免致驚疑釀成他變，差去官員仍仰程程護送，同與迎候京軍，堅請就彼回轉，以免沿途百姓供給之苦，仍諭以本院押解賊犯量帶

官兵皆自備行糧廩給沿途經過有司等衙門止備人夫率拽船隻及畧供柴草給付各兵燒用其他無一所擾不得因此科害里甲軍民差去官員晝夜前進毋得在途遲滯

官軍之來搖動人心不減於逆濠之亂此諭必不可少

開報征藩功次賊仗咨

近日報功之文一味鋪張揚厲不曰奇捷即曰異捷俱是功名

准欽差整理兵馬糧草等項兵部左侍郎兼都察院左僉都御史王咨內開煩為查照將征勦防守有功官軍人等俱照功次分別明白造冊咨送以憑查議

心急也讀之不覺惶愧只如此據事分項直書絕無矜功伐善之跡便見豪傑作用

等因、卷查先爲飛報地方謀叛重情事、本職奉命前往福建公幹、中途遭遇寧府反叛、謀危宗祀、係國家大難、義不容舍之、而往、當卽保吉安、隨具本奏聞、及星夜行文各府、起調兵快、召募四方報效義勇、適遇巡按兩廣御史謝源伍希儒回京復命、又行具本奏畱軍前協謀行事、各哨官兵俱聽監督、獲有功次、俱憑本職送發各官、審驗紀錄去後、續督官兵前後攻復省城、俘執宸濠、并其黨與、劇賊起解間、隨准南京兵部咨開稱前事云云、照得江西逆賊旣已擒獲、逆黨已經剪平、所獲功次、合行紀驗、除原差科道官前

大公無我
之心

來外煩將征勦逆賊官軍民兵召募義勇及鄉官人等所獲功次分別奇功頭功次功造冊覆驗等因案經備行江西按察司查照施行去後今准前因看得征勦宸濠之時止是分布哨道設伏運謀以攻城破敵爲重擒斬賊徒爲輕且攻城破敵雖係本職督領各哨官兵協謀併力緣任非一人事非一日各官俱係同功一體難以分別等第其擒斬賊徒雖有等級自有下手兵夫難以加於各官之上止將各哨擒斬賊犯送發御史謝源伍希儒審驗明白從實直紀緣各官不曾奉有紀功之命但照本職欽奉勅諭便宜

事理從權審驗紀錄，難以分別奇功頭功次功等項名目。止於造冊內開寫某人擒斬某賊首某賊從重輕多寡。據實造冊。中間等第亦自可見。除行各官再行查照造冊徑繳外，所據擒獲功次總數及官軍兵快報効人等員名數目，合行開造咨報施行。

計開

一提督領兵官一員欽差提督南贛汀漳等處軍務都察院右副都御史王

一協謀討賊審驗功次官二員欽差巡按南贛

兩廣監察御史謝源 伍希儒

一領哨官十員

衝鋒破敵

吉安府知府伍文定 贛州府知府邢珣

袁州府知府徐璉 臨江府知府戴德儒

邀伏截殺

贛州衛署都指揮僉事余恩 撫州府知府

陳槐 建昌府知府曾璵 饒州府知府林

城 廣信府知府周朝佐 瑞州府通判胡

堯元

一分哨官十一員

邀○伏○截○殺○

吉安府泰和縣知縣李楫

臨江府新淦縣

知縣李美

吉安府萬安縣知縣王冕 南

康府安義縣知縣王軾

瑞州府通判童琦

守○把○截○殺○

吉安府通判談儲

吉安府推官王暉南昌

府進賢縣知縣劉源清

南昌府奉新縣知

縣劉守緒

南昌府推官徐文英 撫州府

臨川縣知縣傅南喬

一隨哨官四十六員

邀伏截殺。

吉安府通判楊昉 吉安守禦千戶所指揮

同知麻璽 贛州府同知夏克義贛州衛指

揮僉事孟俊 永新守禦千戶所指揮同知

高睿 南昌府通判陳旦 南昌府豐城縣

知縣顧佖 袁州府推官陳輅 南昌府寧

州知州汪憲饒州府餘干縣知縣馬津 瑞

州府上高縣知縣張淮 瑞州府高安縣知

縣應恩 吉安府永新縣知縣柯相 南康

府建昌縣知縣方澤 南昌府靖安縣知縣

萬士賢

守把截殺

廣信府沿山縣知縣杜民表 廣信府永豐

縣知縣譚縉 瑞州府同知楊臣瑞州府新

昌縣知縣王廷 饒州府安仁縣知縣楊林

廣信府通判俞良貴 廣信府通判安節

廣信府推官嚴鎧 臨江府同知奚鉞 臨

江府通判張郁 廣信府同知桂鏊 瑞州

府推官金鼎 贛州府贛縣知縣宋瑤 贛

州衛正千戶劉鏜 贛州衛正千戶楊基

廣信守禦千戶所千戶秦遜 永新縣儒學

訓導艾珪 瑞州府高安縣縣丞盧孔光

饒州府餘干縣縣丞梅霖 南昌府靖安縣

縣丞彭齡 吉安府萬安縣縣丞李通 南

昌府武寧縣縣丞張翹 贛州府興國縣主

簿于旺 瑞州府高安縣主簿胡鑑 饒州

府餘干縣龍津驛驛丞孫天裕 南昌府南

昌縣市汭驛驛丞陳文瑞 吉安府吉水縣

致仕縣丞龍光 贛州府贛縣聽選官雷濟

南昌府豐城縣省祭官文棟材 贛州府贛

縣義官蕭庾 南康府上猶縣義官尹志爵

一協謀討賊鄉官十二員

致仕都御史王懋中 養病痊可編修鄒守

益 丁憂御史張鼇山 養病郎中曾直

養病評事羅僑 調用僉事劉藍 致仕按

察使劉遜 致仕叅政黃繡 閒住知府劉

昭 依親進士郭持平 叅謀驛丞王恩

叅謀驛丞李中

一戴罪殺賊官一十七員

九江兵備副使曹雷 九江府知府汪穎

九江府德化縣知縣何士鳳 九江府彭澤

縣知縣潘琨 九江府湖口縣知縣章元梅

南康府知府陳霖 南康府同知張祿 南

康府通判蔡讓 南康府通判俞椿 南康

府推官王詡 南康府星子縣主簿楊永祿

南康府星子縣典史葉昌 南昌府知府鄭

璫南昌府同知何繼周 南昌府通判張元

澄 南昌府南昌縣知縣陳大道 南昌府

新建縣知縣鄭公奇

一。提調各哨官軍兵快人等除分布把守外臨

陣共一萬四千二百四十三員名

一擒斬首從賊人賊級并俘獲宮人賊屬奪回
被脇被擄招撫畏服官民男婦等項共一萬
一千五百九十六名顆口

生擒六千二百七十九名首賊一百零四名
從賊六千一百七十五名內審放一千一百

九十二名

斬獲賊級四千四百五十九顆

俘獲宮人四十三名 賊屬男婦二百三十

八名口

陽明先生集卷四
奪回被脇被擄官民人等三百八十四員名

口

招撫畏服投首一百九十三位名

一奪獲誥命符驗并各衙門印信關防金銀首

飾贓仗等物

誥命一道符驗一道印信關防一百零六顆

金并首飾六百二十三兩一錢二分

銀首飾器皿八萬三千八百九十七兩一錢

五分八釐五毫

贓仗一千八百九十件

器械一千一百九十九件

牛三十頭 馬一百零九匹 驢騾一十三

頭 鹿三隻

一追獲金璽二顆 金冊二副

一燒燬賊船七百四十三隻

一陣亡兵六百十八名

與當道書

江省之變大略具奏內此人逆謀已非一日久而未發蓋其心懷兩圖是以遲疑未決抑亦慮生之躡其後也近聞生將赴閩必經其地已視生爲几上肉矣

賴朝廷之威靈、諸老先生之德庇、竟獲脫身虎口、所
恨兵力寡弱、不能有爲爾、南贛舊嘗屯兵四千、朝有
警而夕可發、近爲戶部必欲奏革商稅糧餉、無所取
給、故遂放散、未三月而有此變、復欲召集、非數月不
能、亦且空然無資矣、世事之相撓沮、每每如此、亦何
望乎、今亦一面號召忠義、取調各縣機快、且先遣疲
弱之卒、張布聲勢於豐城、諸處牽躡其後、天奪其魄、
彼果遲疑而未進、若再留半月、南都必已有備、彼一
離巢穴、生將奮搗其虛、使之進不得、前退無所、據勤
王之師、又四面漸集、必成擒矣、此生憶料若此、切望

平濠大略
已盡數語
中

諸老先生急賜議處、速遣能將、將重兵、聲罪而南、以
絕其北窺之望、飛召各省急興勤王之師、此人克殘
忌刻、世所未有、使其得志、天下無遺類矣、諒在廟堂
必有成算、區區愚誠、亦不敢不竭盡、生病疲虺、僅存
餘息、近者入閩、已具本乞休、必不得已、且容歸省、不
意忽遭此變、本非生之責任、但闔省無一官見在人
情、渙散、洶洶震搖、使無一人牽制其間、彼得安意順
流而下、萬一南都無備、將必失守、彼又分兵四掠、十
三郡之民、素劫於積威、必向風而靡、如此則湖湘閩
浙皆不能保、及事聞朝廷、大兵南下、彼之奸計漸成、

陽明先生集卷四
破之難矣、以是遂忍死暫留於此、徒以空言收拾散亡、感激忠義、日望命帥之來、生得以興疾還越、死且瞑目、伏惟諸老先生鑒其血誠、必賜保全、勿遂竭其力所不能、窮其智所不及、以爲出身任事者之戒、幸甚幸甚、

陽明先生經濟集卷四終

